

DEO OPT. MAX. VNIET TRINO; VIRGINI DEIPARÆ, ET SANCTO LVCÆ, ORTHODOXORVM MEDICORVM PATRONO.

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE MARTIS VIII. FEBRVAR.

M. CAROLO BARALIS, Doctore Medico, & Medico Regio Præsede.

An Gonorrhœa virulenta superiorum venarum sectio.

1048

TR A HIT sua quemque voluptas: sua quodque volupe sequitur à tergo veluti vindex pœna; adeo nullum non malo quodam temperatur bonum. Spurca Venus si quos fucatis irritamentis ad se pellexerit, hos illicò innumerà tristes Morboniæ cohorte circumuenit. Non ritè peractorum Veneris sacrorum stipendium effrenis libidinis impurique concubitus germen Syphilis est, morborum cuiuscumque generis Epitome. Hanc alij cum Elephantiasi Græcorum, vel cum Arabum Leprâ, eâ licet à seuuicem naturâ totâ dissident, promiscuè confundunt; sed malè isti: alij cum Pforâ, cum Variolis, cum Gemurâ Plinij, cum Arthritide; nec hi meliùs: deterius adhuc multò ceteri qui cum Mentagrâ veterum, cum Sahafato, cum Alboi seu malo mortuo Auicennæ: probabiliùs qui luem veneream idem quod Epicuri *Δυσσπινδ* censent esse; nec tamen vero consonum: qui intemperiem frigidam aut siccam aut humidam veteribus minùs perfectam clamant, longè omnia à vero aberrant: hi soli medica docent, qui morbum calidum siccum multis retrò sæculis cognitum profitentur.

HVIVS imminētis proximè affectus *σπιδρσφα* sunt ac *σπιδρσφα* ab interiori pene turpis illuies promanans, in exteriori cancerosum vlcus, vel in inguine bubo. Eadem iam seuuientis ex turpi agitatâ venere consecraria solent esse: istis quippe venerea lues fermè amat aduocari parariis, stiparique satellitibus. Horum abigendorum vt tempus duplex, sic duplex ratio assignatur. Vbi morâ plurimùm inualuere, specifica Indici morbi præsidia, hydrargyrique potissimùm vsus desiderantur, hunc nemo calidum siccum vt nec qualitate aliquâ manifestâ Syphilidi subsidio esse iure dixerit. Si nulla adhuc incidit luis venereæ suspicio, sua cuiuslibet eorum peculiaria debentur instrumenta therapeutica, nec priuata deest curandilæ & norma. Plenitudo cui nullius partis affectio afflitit, qualibet ex venâ citra delectum detrahatur: at si qua subter renes inflammatio subest, quam copia sanguinis comitatur, per initia fursùm idque directò ruentem materiam retrahere; illinc etenim tanquam è fonte plenior fluxio manabat; non deorsùm, ne concitatori deinceps ea motu efferatiorique cursu proteruiat.

GONORRHOEA alia simplex est nullisque contagij particeps, virulenta altera: priorem seu spuria ea sit seu genuinâ legitimæque charactere sit insignita, materiâ longè differre, essentiâ discrepare, subiecto accidentibusque à posteriori discriminari concedunt omnes; virulentam, glandularum Prostatarum inflammationem ab obsceni & infecti tabo corporis contactu enatam admittunt singuli. Huic multitudinem succorum exuperantem tetro quodam halitu perfusam rudimentum ponere certissimum aut ne vnus negat, aut rationi & experientiæ optimis rerum iuueniendarum docendarumque magistris sensum ocludit omnem. A Gonorrhœâ virulentâ perniciosorum malorum mox casura nubes impendet, nisi antequam obscure serpens ipsius labes medullitis infideat, peritus occasionis arripiendæ medicus, eam procul eliminat. Talem te vis præbere: eius Therapeiæ festinanter incumbere: in qua punctum omne feres si plenitudinis arceas pericula, decumbentem fluxionem inhibeas & eius solitum impetum in aduersam regionem detorqueas.

INFERIORES venas tutum minimè sit primùm ferire, maximè si ingens est vasorum plenitudo, humorumque incurso vehemens. Temere quis in phlegmone subter renes sita ab initio aut in poplite, quod dudum obsoleuit, aut in malleolum directam venam tundere attentat, temeritatis cum suæ breui pœnitebit. Quid ita? fluxionis impetum ac inflammationem augebit; reuulso si quidem quæ sit per venas inferiores particularis est, nec fontem primariò euacuat, quæ sectâ interiore cubiti venâ celebratur, quia iecur è quo fluxionis exordium est exhaurit, censetur vniuersalis. Infestat ergo inflammatio quæpiam partes obscenas, ex superioribus cubiti venis multitudinem summoue, eâ quippe à vena caua commodissime & a iecore validissime prolliciunt.

AB hepate tam late in vniuersum diffunditur corpus mali pernicies ægrum mox in certissimum famæ discrimen præcipitem datura; ad deplendas superiores venas iecori verè huiusce labis scaturigini propiores, machinas adhibeat omnes qui spurcissimorum humorum pondere pressum scortatorem sibi voluerit demereri. Sic fontem impurum vnde tot fœcum tot fordium inquinatissimi riuus sobolescent, vacuatis pro virium robore vasis maioribus absumet. Sic sublatâ antecedente à qua perpetuò fouetur continens causâ, Gonorrhœæ proindeque & luis suspicionem omnem auocabit: stillantis perpetuò ad genitalia humoris præpediet cursum & versus superiores corporis partes retrahet: fluentibus præcipiti magnouè impetu humoribus fræna dabit, eorum sistet cohibebitque vim; & qua mox ipsis data iniecto in superiora scalpello porta fuerit nullo reuellet negotio. Hac ratione colliqutionis cuius periculum imminabat, metus soluetur, naturaquè à medico eius imitatore iugi, eo quod molestum sibi erat, per reclusos referatosque superiorum venarum carceres reuulso, nullo refluētis fursum purulentæ periculo, rem in vado positam ad felicissimum breui exitum, tranquillum tutumque portum ducet.

Ergo Gonorrhœa virulenta superiorum venarum sectio.

DOMINI DOCTORES DISPVATVRI

M. Franc. Landrien.
M. Ant. de Sartes.
M. Daniel Arbinet.

M. Franc. Lopes.
M. Car. Baralis, Præs. & Med. Reg.
M. Ioann. Ant. Bourgaud.



M. Mathur. Denyau Prof. Reg.
M. Franc. le Vignon.
M. Petr. Legier.

Proponebat Lutetiæ NICOLAVS LIENARD, Parisinus. A. R. S. H. M. DC. LVI